

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUESTIO MEDICO-CHIRURGICA*.

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis vigesima. sextâ
 mensis Februarii, anno Domini M. DCC. LXXXIV.*

M. FRANCISCO-LUDOVICO THOMAS D'ONGLÉE, Doctore
 Medico, Præside.

*An post gravem, ab ictu vel casu violento, capitis contusionem, etiam
 mediocriter suspectâ cranii fracturâ vel fissurâ, cutis unâ cum pericranio
 ad os usque incidenda?*

I.

NASCI-NE erat tanti? infantiam, somnum, tempora cibi, potûs
 & tædii si computes, pueri vix sumus senes jam videmur. Quis-
 que tamen vult vivere: anus putida, miles ærumnolosus, Irus egens,
 fenex calculosus, *podagricus*, *filicernius*. Media inter tormenta mortem
 deprecamur quocumque pretio fatum protelare avidi. Amaritudine sani-
 tatem redimimus. Medicinam tutelarem Deam experiri cupimus cu-
 juslibet pignoris dispendio. Jubet Medicina membrum refecari! tollitur:
 adeo dulce est sperare seriùs mori! Ferrum in viscera cruentum adigit?
 ignes inurit faucibus partibus? fiat: dummodò vivamus. Post gravem ab
 ictu vel casu contusionem terebra admovenda est? admotam sanatus
 gaudet æger. Incertum an admovenda? cutisque & pericranium unâ
 evellenda censeas, ut liquidò constet quid sit agendum? Urite, inquit
 æger, secate, radite modò vivam. Apparatus sanè ipsâ terebrâ crude-
 lior: at sæpè necessarius magis. Præceps quispiam è scalis aut loco edito
 cecidit? caput in lignum, ferrum aut lapidem, cranio duriora videlicet,
 impegit? vehemens sanè commotio. Totius cerebri moles immensa
 sedibus dimora suis divulsæque validè intus contremuit reperiussâ
 fortiter in parietes cranii? Forsan dissiluerunt & ipsi parietes fragmini-
 busque (sanâ extûs remanente cute) meninges torquent, vellicant,

* *Propugnata, 1734, à Gaspare COCHON DUPUY, M. DE l'Epine, Præside.*

pungunt. Interdum sola adest contusio gravibus stipata symptomatis, etsi nulla adsit fissura aut fractura; aliquandò utrumque reperitur. In arenâ consilium capere hoc opus hic labor.

I I.

FELIX qui potuit rerum causas cognoscere! Sæpè satis felix qui tantum rem ipsam posset cognoscere. A gravi capitis percussione magnorum malorum nascitur Ilias. Nec plerumque majora apparent: sæpè grandiora & præcipua latent intus: imò quæ latent ferè sola sunt vera mala: collisio scilicet substantiæ pulposæ cerebri in interiores cranii parietes, sugillatio, aut fractura in ipsis ossibus. Reliqua apparentia ut phrenitim, Emphysema, hæmorrhagias, febrem & cætera, signa tantum & effectus habeto. Per hæc, si apparent omnia simul & gravissima, imminentem vaticinare mortem: si minora urgent aut pauciora, cave fidas infidæ paci. Ignis latet suppositus cineri dolofo. Ne temnas tamen signorum conjecturam. His magnitudinem mali præsertim experto & senî Medico conjicere datur. Ex dolore capitis acutiori, lancinante, cum stupore, tinnitu aurium, vomitu, cerebrum vehementer concussum, ibique nasci & ali abscessum judica. Ex frontis, oculorum, faciei intumescentiâ pericranium osque forsân ipsum valdè contusum credere est: His adde hæmorrhagias per nasum, illas in ictu partibus externis nasci, per oculos, per aures iisdem positâs, cranium fissum vix dubitare licet. Spasms miserè convellitur æger, delirat, ruci aspectu terribilis è lecto furiosus exsilit: dura meningx fissurâ internâ etiamsi nihil in tabulâ cranii exteriori appareat, convulsa torquetur; At interdum Comate hæc omnia sopiuntur signa. Hic hæreret vel ipse Tiresias. Tunc judicium difficile. Paucis quos æquus amavit Omnipotens hæc omnia certâ datur assequi conjecturâ. Haud faciliè contusionem simplicem cutis cum levi & periculi experte commotione cerebri, ab ossis externæ tabulæ depressione discernas: contusionem externæ tabulæ ossis ab utriusque disruptione: fissuram internæ seu vitreæ solam quis adeò Lynceus ut pervideat. Abscessum vix post hebdomadas, menses, annos adesse evincas. Juvandæ rationi quàm benè, ô bone Deus, addidisti sensus. Non jam sibi placeat adeò nec superbiat *Ratio* de fallaciâ sensus arguendo. *Ratio* desinit hic esse *ratio* nisi sensus veniat in consilii partem & auxilium.

I I I.

LEVI tantum commotione exceptâ nullis gravibus stipatâ symptomatis in utroque casu confert incisa cutis ad cranium usque & detectum illicò subiectum os, per incisionem pericranii. Si adsit fractura, plaudes sane! At si osse nudato integrum os & sincerum appareat; putas grandè piaculum commisisse nec ullâ lustratione abluendum? vulnere simplici cutem afflixisti: nec putes idèò os esse *exfoliationi*

3
permittendum : coalescet vulnus paucorum dierumspatio : ac non sine magno ægrotantis juvamine contusum forsan pericranium incisione relaxabitur, detumescet facies, venæ cum internâ parte cranii committentes exonerabuntur; tabum seu sanguinem concretum evoment, & si intus adsit commotio & abscessus exterminabunt. At nisi remiserint dilucidè omnia symptomata cave vulnus coalescere permittas. Angulos plagæ, vel cruciata, vel stellata, vel cujuscumque figuræ plumacolis sublevatos ab ossè arceas, ut si operæ pretium sit terebra tempore & loco admoveatur. Isthæc enim incisio vel remedium-est gravium symptomatum ubi non adest fractura, vel indicium omnium certius fracturæ, si forsan adfuerit.

I V.

PRINCIPIIS obsta; medicinam serò paraveris cum immedicabile per moram factum fuerit vulnus. Turpe Medico non tanti aestimasse malum quanti erat aestimandum. Malè excusatus valeat cum suo *non putabam*, cum potuit scire, inspicere, propriis manibus palpare. In re periculi plenâ attendendum, timendum, cavendum quidquid luctuosum magis & portentosum. Agendum quasi certa salus operam sequeretur. Omnia tuta time; in deploratis numquam despera; bonorum tamen verborum & promissorum haud prodigus indecenter. In negotio ancipiti viriliter operare quasi penès te foret eventus. Cautè rem age & providenter quasi omnia mortem intentarent. In cranio vehementer contuso cave fracturam, commotionem aut fugillationem, undè collectio materiæ stagnantis, corruptio, abscessus. Nec ideo sperare ac proinde agere te deterrat ingens accidentium cohors. Paucis quidem ex orci faucibus superas evadere ad auras, & ab ipso Averni limine remeare datum est: at quod pauci potuère, cur iste non poterit & iste manu auxiliatrice adjutus. Conare magna: permitte superis cætera. Unica via est incisio, quâ latens in ossè vitium detegas, eâ solâ obliquæ fissuræ fraudem revelabis. Interdum solo pericranii tritu, vomitus, convulsio, febris, phrenitis, oculorum spasmus, tetanus, &c. collisioni capitis superveniunt. Laxatâ per incisionem pericranii crispaturâ, hi motus inordinati fibrarum atque hæc tam gravia symptomata levi operâ compressa quiescent. Ni remittant ulterius ferro aggredere ipsum os. Tunc otiosum spectasse naturam pigeret, & fecisse lætaberis quæ pueret non fecisse.

V.

SERIOREM ergò poenitentiam dum licet præveni catus, incisione prudenter & peritè pro ratione loci & magnitudine periculi factâ. Absit ut missa faciam magna aliundè præsidia, ut frequentes & copiosas sanguinis missiones, diartam exquisitam, & quæcumque valent sanguinem concretum intus & extus admota resolvere. Sæpè doctâ plus valet

arte malum, & quamvis nihil horum omiseris, vix in vado constituitur ager. Quid? si neglexeris. Non me tunc emensorum quadraginta aut sexaginta dierum (post quos vita vulgò creditur incolumis & omnis periculi expers) elapsa series securum ideò præsterit, vel minimis symptomatibus adhuc perterresiam. Minimus capitis dolor ubique, me iudice, abscessum minaretur. Nec crudelem me facere medicinam quisquam arguat. Crudeliter illum misericordem dicito, qui, dum potest servare civem, metuit, mortem (grande sanè malum) levi malo propellere. Non in contusione, quam parva sequitur & externa tantum fugillatio, secandam cutem, secandum proponimus pericranium; at ubi hæmorrhagia, faciei tumor, delirium, vertigo, &c. gravia comitantur symptomata, etiamsi, illasâ cute, certè non possit asseri fractum esse cranium, imò etiamsi cranium non esse fractum ferè pro certo habeatur.

Ergò post gravem, ab ictu vel casu violento, capitis contusionem, etiam mediocriter suspectà cranii fracturâ vel fissurâ, cuius unâ cum pericranio ad os usque incidenda.

DOMINI DOCTORES DISPUTATURI.

M. Petrus LASERVOLLE, Scirentissimi Atrebatum Principis Medicus Censiliarius.

M. Claudius-Ludovicus BERTHOLLET, Academiæ Regiæ Scientiarum Socius, utriusque Pharmacia Professor designatus, pro anno 1784.

M. Jæcob.-Lud. ALLEAUME, antiquæ Facultatis Decanus, & Militarium Nosocomiorum ad Regis exercitum, nec-non in Insulis Americanis nuper Medicus Regis.

M. Paulus-Augustinus-Olivarius MAHON DE HOUSSAY.

M. Antonius MATHEY.

M. Claud.-Franciscus GRANDCLAS, Eques, Stanislai I, Poloniarum Regis, olim Consiliarius Medicus & Regionum Exercituum à Consiliis Medicis.

M. Stephanus CROCHET.

M. Carolus-Ludovicus-Maria-Gabriel DUPRÉ.

M. Joannes-Franciscus-Clement MORAND.

Proponerebat Parisiis JOANNES-BAPTISTA-ADRIANUS ROZE DE L'EPINOY, Nemorosinus Senonensis, Doctor Medicus Remensis, nec-non Saluberrimæ Facultatis Medicinæ Parisiensis Baccalaureus.

A. R. S. H. 1784. AB OCTAVA AD MERIDIEM.